

晚晴簃詩匯

第四册

晚晴簃詩匯卷一目錄

世祖章皇帝 三十首

聖祖仁皇帝 二十八首

世宗憲皇帝 四首

晚晴簃詩匯卷一

徐世昌

世祖章皇帝

太宗文皇帝第九子建元順治在位十八年葬孝陵

聖母皇太后萬壽詩

香花淑節壽陽宮透戶玄雲接上穹
德儷英皇符帝子化覃江漢播王風
瑤齋瑞應星迴電金甌光浮月貫虹
坤厚無疆天下母宮開嘉樂萬方同

拜舞慈寧動曉鐘雲璈響徹玉芙蓉
仲春晴色開仙杏上苑祥光茂岱松
此日山尊儀瑞鳳千秋坤軸啟飛龍
歡騰海宇同爲祝常見含飴衍慶重

和風駘蕩拂瑤窗瑞日瞳矐照寶幢
時屆春陽花紀節觴

開慈壽玉爲缸連雲半捲銀毫細傍輦遙分雉羽雙德協
坤儀綿過歷千秋萬歲蒞多邦

彤墀新柳弄輕絲正是慈幃誕慶時鸞鶴數羣天上至笙
歌幾隊座中移六宮獻壽繁珠珥萬國騰歡進玉卮從此
年年增茂祉萱齡應竝大椿期

嫔閣晴雲近紫微蓬萊宮闕麗朝暉上林柳嫩鶯初囀禁
苑蘭新蝶始飛玉女漿壺承沆瀣仙人膳鼎對芳菲鈞天
樂奏長春宴黼袞恆爲戲綵衣

閭闔宏開近碧虛瓊宮仙樂捧鸞輿盤中火棗迎黃幄杯
底流霞映彩裾恩育普天歸聖善澤深奕葉挽華胥上酬
惟有無疆祝重向筵前誦九如

仲春春色滿京都熙日和風徧海隅釵砌芝蘭承展鞠瓊

筵環珮雜笙竽月銜花綬金爲鏡露綴絲囊壽作符獻頌
慈宮人盡樂年年中外競山呼

慈寧介祉與天齊瑤水飛觴自海西萬歲甘凝朱實棗千
年香拂紫條梨祥雲欲傍歌筵駐候鳥還迎舞隊低最喜
春光濃似酒普將仁壽錫烝黎

日暝鶯花滿御階慈恩肇祉慶無涯羣趨環珮容光盛迭
奏笙鏞律呂諧瑞竝流虹天不偶祥符夢月兆偏佳女中
堯舜今重見華祝惟應頌有齋

別苑風光接露臺仲陽佳節欲花開六龍每護金根出八
駿時從紫闕回太液池邊春澹蕩長生樹上月徘徊璠璣
樂間昭華琯黃露丹霞薦壽杯

璇宮初度占芳春景色妍華映紫宸旭日當天臨拜舞暄

風扇物象慈仁上林競發蟠桃蕊羽駕頻看瀚海塵歲歲
壽觴開玉陛萬方雨露沛茲辰

曉闌金鋪瑞色分壺觴簪履共紛紜螽斯常得承嘉祉樛
木由來表令聞入戶融風添燕喜盈階舞綵襲蘭芬萱花
預報千齡永殿外卿雲盡五文

閭闔生輝介祉繁欣於長樂奉坤元風吹桃實經千歲祥
發萱幃感四恩百拜彤墀增寶厯三呼碧醞捧瑤尊慈徽
綏履宜昌後麟趾振振坐弄孫

婺星應瑞照三韓佳氣氤氲百寶闌至德鍾祥歌萬壽和
風動珮舞千官森森紫禁傳鴻寶煜煜彤墀獻木難樂奏
簫韶當燕喜多邦集慶共承歡

仲春虹電麗銀灣萬歲稱觥駐玉顏淑慎令儀符渭水慈

仁厚德嫺塗山麻姑羽駕雲霄裏西母鸞笙殿陞間海寓
呼嵩方未艾罇前舞綵喜爛斑

陽開景運際中天月皎清輝正上弦飛鳳樓高連象緯盤
龍城曉帶雲煙開顏對酒春光滿繞膝含飴樂事全川至
日升增茂祉蒼生永慶太平年

紫禁春明淑景饒壽筵高敞奏簫韶日升瑞氣開黃道雲
擁祥光映碧霄九譯歡聲歌聖母千秋樂事際熙朝西王
應有瑤池祝青鳥飛來路不遙

極望韶光滿四郊碧池倒影見花梢珠簾晝捲香風入綺
宴春開喜氣交大角早彰麟趾瑞五文時見鳳雛巢詠歌
難讚生成德恆向南山頌竹苞

西來爽氣擁神皋遙映慈寧見翠旄海鶴翔風金殿迴天

雞鳴日玉樓高壽筵歌管依芳樹雲液壺觴醉碧桃更有
影娥池畔月開襟尤勝廣陵濤

瑞靄祥光接太和慈寧宮殿迴嵯峨難名至德同坤厚定
卜純禧與日多太液波融春草綠上林花發曉鶯過母儀
啟慶元無極四海昇平樂止戈

上陽金榜燦雲霞勝地觴開萃物華翠擁西山依日月陽
回大陸競桑麻袞衣堪效當筵舞玉斚兼催拂檻花樂洽
弄孫春更永於今海寓正爲家

聖節晴和百卉香紫霞高捧萬年觴風前琪樹分珠樹簾
外霓裳映繡裳壽祝嵩峰天峻極仙居蓬島日舒長熙熙
共享春臺樂九牧琛球輯未央

璇宮曉色麗新晴慶祝無疆進壽觥樂事喜同春日永昌

期常際泰階平旌隨鶴駕龍爲采樂近鸞輿鳳是笙不羨
石鐘仙乳白雲凝玉露滿金莖

玉殿輝生雲母屏彤庭今喜奉萱庭節逢愛日春尤暎山
近稱觴曉更青曾被恩波兼化育旁流協氣滿郊垌定知
南極隨坤位長照人間寶婺星

彤闈獻壽九華鐙春色清和瑞靄凝地祉常同天祚遠月
恆方與日光升流霞湛湛壘中滿沆瀣溶溶掌上承孺慕
殷勤欣進頌卜年嘉慶裕雲仍

天開長樂曙光流勝地初筵敞十洲雲近金鋪皆五色萱
生玉陛自千秋宮鶯帶語穿仙仗苑樹飛花漾御溝六宇
歡心同愛日蹒蹒劍珮鳳池頭

勝日條風拂上林龍池柳色綻黃金發祥濬哲從莘女卜

歷承徽見太任恩渙九重頒鳳詔筵開萬舞動鯨音普天
仁壽慈顏喜春酒南山億兆心

二月初弦月色涵萬年枝上露凝甘大庖薦旨麟爲脯御
苑迎暉樹是曇北闕班聯騰喜氣西山瑞靄接晴嵐得天
祿位兼名壽願比華封永祝三

雲漢昭回傍畫檐初弦新月正纖纖琉璃窗曉龍棲桺玳
瑁梁深燕入簾靜檢仙書開玉笈時觀女史撥牙籤六宮
拜舞煙霞繞四海謳歌雨露霑

彤闈幾度上琅函金簡雲書手肅緘桂醕生香分月窟萱
齡應祝響嵩巖天池苻吐魚欣聚霞錦花明鳥欲銜坤德
同天光四表笙鏞歲歲奏英咸

謹案世祖冲齡嗣服入主中原天亶聰明幾餘典
學兼通清漢文字宮中讀書別殿題曰孚齋命徐元

文撰孚齋說以進臨池染翰書法天成並深於畫理
嘗作潑墨山水追契米家父子又編御集右 紋 昭 聖 皇
渡水牛生動渾成詩不多作未編御集右 紋 昭 聖 皇
太后萬壽詩順治十三年二月丁巳萬壽節表進事
見實錄表文有云毓懿秀於璇宮令儀有倣濬慶源
於金屋慈範允昭庇及冲人嗣承鴻業迴環今昔深
惟護佑之周詳定省晨昏祇奉誨言之諄切艱難克
濟基緒攸光又有云承乾應地厚德而貴極域中照
電流虹至仁而母儀天下臣對揚懿德奉 二 聖 幸
銷九日之流金冀定四維於磐石祇承 二 聖 誕受
多方恆顧畏於民暑實仰遵乎慈訓奉 二 聖 展禮
南宮雖極尊養之至隆豈仰酬 太 祖 太 宗 表 文 敷 陳 懿 徽
甯既敷宣 二 聖 謂 太 祖 太 宗 表 文 敷 陳 懿 徽
仍追溯創業之難似當日詞臣屬草後 上 實 親 爲
裁定崇養既極雅頌克諧謹全錄以弁
全書庶知三百年文治之盛其來有自

聖祖仁皇帝

世祖章皇帝第三子在位六十一年建元康熙葬景陵有

御製文一集二集三集四集

覽貞觀政要

春陽淑以嘉流雲灑几案及此聽政餘縑緗獲披玩寥寥
三古後載籍亦炳煥俯仰千年餘盛治數貞觀修德偃干
戈措刑空狴犴海外奉車書臣民登燕衍事往跡尙存流
風照觚翰洋洋四十篇可以一辭貫仁義有明效非由事
擊斷鄙哉封倫言相去邈河漢

登景忠山

景忠遠上日方闌巖壑層層生早寒嶺腹凜雲凝玉仗山
中瑞氣接仙鸞鳴鐘澗裏經聲近擊鼓樓前樹影殘繚繞
旌旗縈石道六龍行處萬民觀

時巡近郊憫農事有作

芳郊景物麗淑氣扇暮春靈雨應良節光風薄嘉辰省耕
已屆候夙駕方來巡前驅列式道羽衛羅鉤陳時有田間

子荷未披車塵譏訶勿頻數疾苦當咨詢干耦幸終畝二
鬴猶懸困穠蓑爾勤動痾瘵予隱親賙賜出泉府撫循屬
官臣行潦有挹器冽井無枯津所惠良未徧嗟嗟愧斯人

滇平

洱海昆池道路難捷書夜半到長安未矜干羽三苗格乍
喜征輸六詔寬天末遠收金馬隘軍中新解鐵衣寒回思
幾載焦勞意此日方同萬國歡

昇平嘉宴同羣臣賦詩用柏梁體

災冊於書見元首股肱膺慶喜起之盛於詩見鹿
鳴天保諸篇未嘗不慕古之君臣一德一心相悅
若斯之隆也今際海內宴安兵革偃息首春令序
九陌鐙輝豐穰有徵吾民咸樂思與諸臣欣時式
燕爰於乾清宮廣集簪裾肆筵授几斯時也瞻光
龍炬焜耀堂廉綵樹瓊葩雜羅樽俎許笑言之勿
禁寬儀法而不糾復令次登文陛渥以金鼎咸俾
有三爵油油之色焉易曰上下交而志同傳曰享

以訓恭儉宴以示慈惠則今日之兇觥旨酒豈徒
以飲食燕樂云爾哉顧瞻諸臣或位居諸弼或職
任卿尹或典文翰或司獻納宜共成篇什以紹雅
頌之音朕發端首倡倣柏梁體班聯遞賡用昭昇
平盛事冀垂不朽云康熙
二十一年正月十四日

麗日和風被萬方御製卿雲爛漫彌紫閭臣內閣大學士一堂

喜起歌明良內閣大學士臣明珠止戈化洽民物昌內閣大學士臣李蔚蓼蕭

燕譽聖恩長內閣大學士臣馮溥天心昭格時雨暘吏部尚書臣黃機豐亨

有兆祝千箱戶部尚書臣梁清標禮樂文章仰聖皇禮部尚書臣吳正治廟謨

指授靖八荒兵部尚書臣宋德宜春回丹詔罷桁楊刑部尚書臣魏象樞河清

海宴禹績彰工部尚書臣朱之弼百度胥飭綱紀張都察院左都御史臣徐元文

千官濟濟盈巖廊吏部左侍郎臣張士甄天公無曠勤贊襄吏部右侍郎臣

楊永有年歌協臣所望戶部左侍郎臣李天馥共期紅朽答殊常戶部

甯右侍郎臣轉漕億萬充天倉戶部倉場侍郎臣馬汝驥邦禮叨贊慙趨

李仙根

蹕

禮部左侍郎

職司寅清佐垂裳

禮部右侍郎

天河洗甲

通蠻鄉

兵部左侍郎

皇威四暢咸來王

兵部右侍郎

祇承

欽恤和氣翔

刑部左侍郎

刑措不用民壽康

刑部右侍郎

入

材庀化師受斯

工部左侍郎

右平左城開明堂

工部右侍郎

窺神策驅天狼

內閣學士

膏以大澤人胥慶

內閣學士

庸作歌追虞唐

翰林院掌院學士

身依雲漢賡天章

翰林院學士

張恪秉訓厲敦羔羊

都察院左副都御史

奉宣仁風之吳疆

巡撫

江甯右副都御

九閭

誅蕩瞻龍光

通政使司通政

掩貫索芒

大理寺卿

圖列養正親羹牆

詹事府詹事

黃鐘大

鏞諧禎祥

太常寺卿

郊衢擊壤歡豐穰

順天府府尹

大官

珍膳羅酒漿

光祿寺卿

調閑六御騰康莊

太僕寺卿

忝預

風紀凜清霜

都察院僉都御史

出入玉珮聲鏘鏘

通政使司

崔納言惟允尙職詳通政使司右褒忠勵節感賜觴使司

右通政臣圖扉闌寂春草芳臣大理寺少卿拜手好生頌禹

湯大理寺少卿前星令望欽臣頤印詹事府少詹終始念典

用斯臧詹事府少詹言模行範輝縹緗士臣蔣弘道翰林院猗

歟至德日就將翰林院侍讀學叨塵侍從恩莫量翰林院

之士臣靖共夙夜無怠遑翰林院侍講學梧桐生矣于高

岡翰林院侍講學紬書東觀翰墨香翰林院侍講學三德六

行為士坊國子監祭酒宮官備位滋悚惶右春坊右庶六

經義叶如笙簣翰林院侍奎文煥若森琳琅翰林院侍

朝朝橐筆侍御牀翰林院侍紀載聖治金匱藏翰林院侍

緒頻年宣室虛對揚翰林院侍宸篇揆藻燭昊蒼翰林院

郭承華毓德成圭璋左春坊左諭青宮琪樹棲鸞鳳春